

განმარტებითი ბარათი

საქართველოს კანონის პროექტზე

„მაღალმთიანი რეგიონების განვითარების შესახებ საქართველოს კანონში ცვლილების შეტანის თაობაზე“

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი:

ა.ა.ა) პრობლემა, რომლის გადაჭრასაც მიზნად ისახავს კანონპროექტი:

„მაღალმთიანი რეგიონების განვითარების შესახებ საქართველოს კანონის მიღებამ მრავალი დადებითი პროცესი გამოიწვია, თუმცა გამოჩნდა გარკვეული ხარვეზები, რომლებიც აფერხებენ კანონით განსაზღვრული მიზნების მიღწევას. ხარვეზების გამოსწორების მიზნით განხორციელებული უნდა იქნას წარმოდგენილი ცვლილებები, რათა ამდღეს კანონის ეფექტური მოქმედება და მიღწეული იქნას „მაღალმთიანი რეგიონების განვითარების შესახებ საქართველოს კანონით“ გათვალისწინებული მიზნები.

ა.ა.ბ)

არსებული პრობლემის გადასაჭრელად კანონპროექტის მიღების აუცილებლობა:

აუცილებელია კანონშივე არსებობდეს ის მექანიზმი, რომელიც უზრუნველყოფს „მაღალმთიანი რეგიონების განვითარების შესახებ საქართველოს კანონის“ მოქმედებისას წამოჩენილი ხარვეზების გამოსწობას. ზოგიერთ რეგიონში მიგრაციული პროცესების გაუმჯობესების გამო, დაფიქსირდა მაღალმთიანი დასახლების სტატუსის მოხსნის შემთხვევა. ფაქტობრივად სტატუსის მოხსნა გამოიწვია კანონში არსებულმა ჩანაწერმა, რომლის შეცვლაც აუცილებელია წარმოდგენილი ცვლილებებით.

ასევე დასახვეწია მაღალმთიან რეგიონში მცხოვრები პირის სტატუსის მინიჭების პროცედურები, ვინაიდან რეგისტრაციიდან სტატუსის მინიჭებამდე 9 თვიანი პერიოდი ძალიან დიდია, რაც აუცილებლად უნდა შემცირდეს.

შესაცვლელია სტუდენტებისა მიმართ მიდგომები, მათ მიმართ სტატუსის მინიჭებისა და მოხსნის საკითხზე. ასევე, გასაუმჯობესებელია პედაგოგების, სამედიცინო სფეროს თანამშრომელთა, შშმ პირების მშობელთა და მეურვეთა, ასევე სხვათა ანაზღაურებისა და მათზე შეღავათების დაწესების პირობები. რომელთა მიღება აუცილებელია „მაღალმთიანი რეგიონების განვითარების შესახებ საქართველოს კანონით“ დასახული მიზნების მისაღწევად, რათა შეჩერდეს მაღალმთიანი რეგიონებიდან მიგრაციის პროცესი და გაუმჯობესდეს ასეთ დასახლებებში მცხოვრებ პირთა

კეთილდღეობა, ამაღლდეს მათი ცხოვრების დონე, ხელი შეეწყოს დასაქმებას, სოციალური და ეკონომიკური მდგომარეობის გაუმჯობესებას.

ა.ბ) კანონპროექტის მოსალოდნელი შედეგები:

კანონპროექტის მიღება ხელს შეუწყობს „მაღალმთიანი რეგიონების განვითარების შესახებ საქართველოს კანონით“ დასახული მიზნების მიღწევას, გააუმჯობესებს მაღალმთიან რეგიონში მცხოვრები ჩვენი მოსახლეობის სოციალურ-ეკონომიურ მდგომარეობას და უკვე მიგრირებული ოჯახების უკან დაბრუნებისათვის სტიმულის მიცემას. მისცემს მათ საშუალებას მაღალმთიან რეგიონშივე მიაღწიონ საქართველოს კონსტიტუციით მინიჭებული უფლებების რეალიზაციას და არ სჭიდებოდეთ სახელმწიფოს მიერ დადგენილი სიკეთეების მიღების მიზნით ქალაქებში მიგრაცია და ადვილზევე ხდებოდეს მათი შესაძლებლობების რეალიზაცია.

ა.გ) კანონპროექტის ძირითადი არსი:

1. ცვლილება შედის მე-2 მუხლის პირველი პუნქტი და მუხლიდან ამოდის ტექსტი „გამწვავებული მიგრაციული პოცესები“
2. იცვლება და ახლებურად ყალიბდება მე-3 მუხლის მე-5 პუნქტის „ბ)“ და „გ)“ ქვეპუნქტები, რომლითაც მაღალმთიან რეგიონში მცხოვრები პირისათვის სტატუსის მინიჭება შესაძლებელი ხდება მისი რეგისტრაციიდან ერთი თვის შემდეგ.
3. ცვლილება შედის მე-3 მუხლის მე-7 პუნქტის ტექსტში, რომლითაც გამონაკლისის წესით მაღალმთიანი რეგიონის მცხოვრები პირის სტატუსი არ უჩერდება უმაღლესი და პროფესიული განათლების მიღების მიზნით მიგრირებულ სტუდენტებს.
4. მე-3 მუხლის მე-8 პუნქტის „ბ“ ქვეპუნქტი ამოღებული იქნას კანონიდან, რომლითაც სტუდენტებს უჩერდებათ სწავლის გამო მაღალმთიან რეგიონში მცხოვრები პირის სტატუსი.
5. მე-4 მუხლის მე-3 პუნქტს ემატება „ი“ ქვეპუნქტი, რომლითაც შ.შ.მ პირების ერთ-ერთ მშობელს ან მეურვეს (მომვლელს) ენიშნება ფულადი დახმარება სახელმწიფო პენსიის ოთხმაგი ოდენობით.
6. ცვლილება შედის მე-4 მუხლის მე-2 პუნქტის „ა“ ქვეპუნქტში, რომლითაც იზრდება საპენსიო დანამატი და მაღალმთიანი რეგიონის სტატუსის მქონე

პენსიონერს პენსიაზე დანამატის სახით ემატება პენსიის 20 %-ის ნაცვლად 100% დანამატი, ხოლო სოციალურ დახმარებაზე დანამატი 35 პროცენტის ნაცვლად ხდება 100 პროცენტი.

7. ცვლილება შედის მე-4 მუხლის მე-2 პუნქტის „ა“ ქვეპუნქტში, რომლითაც იზრდება მაღალმთიან დასახლებაში მდებარე, სახელმწიფოს წილობრივი მონაწილეობით დაფუძნებულ და მის მართვაში არსებულ სამედიცინო დაწესებულებაში დასაქმებული სამედიცინო პერსონალისათვის, რომლის შრომა საქართველოს სახელმწიფო ბიუჯეტიდან ანაზღაურდება, საქართველოს მთავრობის დადგენილებით განსაზღვრული წესით ყოველთვიური დანამატის მიცემას:
ბ.ა) ექიმისათვის – სახელმწიფო პენსიის სამმაგი ოდენობით ნაცვლად ორმაგი ოდენობისა;
ბ.ბ) ექთნისათვის – სახელმწიფო პენსიის ორმაგი ოდენობით ნაცვლად სახელმწიფო პენსიის ოდენობისა;
8. ცვლილება შედის მე-4 მუხლის მე-2 პუნქტის „ე“ ქვეპუნქტში, რომელიც გულისმობს ამ კანონის ამოქმედების შემდეგ დაბადებული პირველი ბავშვისა და მეორე ბავშვისათვის, რომელთა ერთ-ერთი მშობელი არის მაღალმთიან დასახლებაში მუდმივად მცხოვრები პირი, საქართველოს მთავრობის დადგენილებით განსაზღვრული წესით 2 წლის განმავლობაში ყოველთვიური ფულადი დახმარების – არანაკლებ 500 ლარის – მიცემას ნაცვლად 100 ლარისა, ხოლო მესამე ბავშვისა და ყოველი შემდგომი ბავშვისათვის – 4 წლის განმავლობაში ნაცვლად 2 წლისა, ყოველთვიური ფულადი დახმარების – არანაკლებ 1000 ლარის – მიცემას ნაცვლად 200 ლარისა;
9. ცვლილება შედის მე-4 მუხლის მე-2 პუნქტის „ვ“ ქვეპუნქტში, რომელიც გულისმობს მაღალმთიან დასახლებაში მდებარე, ზოგადსაგანმანათლებლო დაწესებულების მასწავლებლისათვის, საჯარო სკოლის მასწავლებლის საბაზო თანამდებობრივი სარგოს არანაკლებ 100 პროცენტის მიცემას ნაცვლად 50%-ისა; მაღალმთიან დასახლებაში მდებარე, სახელმწიფოს მიერ დაფუძნებული პროფესიული საგანმანათლებლო დაწესებულების მასწავლებლისათვის შრომის ანაზღაურების არანაკლებ 100 პროცენტის მიცემას ნაცვლად 50%-ისა
10. ცვლილება შედის მე-4 მუხლის მე-2 პუნქტის „თ“ ქვეპუნქტში, რომელიც გულისმობს საქართველოს განათლების, მეცნიერების, კულტურისა და სპორტის სამინისტროს ან/და მის სისტემაში შემავალი ადმინისტრაციული ორგანოს მიერ განსაზღვრული შესაბამისი პროგრამის მონაწილე

მასწავლებლისათვის შრომის ანაზღაურების არანაკლებ 100 პროცენტის დანამატის მიცემას ნაცვლად 50%-ისა.

ა.დ)

კანონპროექტის კავშირის ამთავრობო პროგრამასთან და შესაბამის სფეროში არსებულ სამოქმედო გეგმასთან, ასეთი სარსებობის შემთხვევაში (საქართველოს მთავრობის მიერ ინიცირებული კანონპროექტის შემთხვევაში):

ეს ქვეპუნქტი არ ვრცელდება წარმოდგენილ კანონპროექტთან მიმართებით.

ა.ე) კანონპროექტის ძალაში შესვლის თარიღის შერჩევის პრინციპი,

ხოლო კანონისთვის უკუძალისმინიჭების შემთხვევაში –

აღნიშნული სათაობაზე შესაბამისი დასაბუთება:

რამდენადაც ამ კანონპროექტის ძალაში შესვლა გამოიწვევს საბიუჯეტო ცვლილებებს მიზანშეწონილია კანონპროექტი ამოქმედდეს მომდევნო საბიუჯეტო წლიდან ანუ 2020 წლის 1 იანვრიდან.

ა.ვ)

კანონპროექტის დაჩქარებული წესით განხილვის მიზეზები და შესაბამისი დასაბუთება (თუ ინიციატორი ითხოვს კანონპროექტის დაჩქარებული წესით განხილვას):

ინიციატორი არ ითხოვს კანონპროექტის დაჩქარებული წესით განხილვას.

ბ) კანონპროექტის ფინანსური დასაბუთება:

ბ.ა)

კანონპროექტის მიღებასთან დაკავშირებით აუცილებელი ხარჯების და ფინანსების წყარო:

კანონპროექტის დაფინანსების წყაროს წარმოადგენს სახელმწიფო ბიუჯეტი.

ბ.ბ) კანონპროექტის გავლენა ბიუჯეტის საშემოსავლო ნაწილზე:

კანონპროექტის მიღება გავლენას არ ახდენს ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე:

საქსტატის მიერ მოწოდებული ინფორმაციის საფუძველზე მაღალმთიან რეგიონებში მცხოვრები და დასაქმებული პირები, რომლებსაც ეხება წარმოდგენილი ცვლილებები შეადგენს;

1. პენსიონერი - 69803
2. ექიმი - 574
3. ექთანი - 989
4. პედაგოგი - 11395
5. საქართველოს განათლების, მეცნიერების, კულტურისა და სპორტის სამინისტროს ან/და მის სისტემაში შემავალი ადმინისტრაციული ორგანოს მიერ განსაზღვრული შესაბამისი პროგრამის მონაწილე მასწავლებლებელი - 50 (დაუზუსტებელი მონაცემებით).
6. სპორტის მასწ. - 295
7. შშმ პირები - 30 (დაუზუსტებელი მონაცემებით)
8. ერთი ან 2 შვილიანი ოჯახების რაოდენობა - 500 (დაუზუსტებელი მონაცემებით)
სამი ან მეტ შვილიანი ოჯახების რაოდენობა - 200 (დაუზუსტებელი მონაცემებით)

მოყვანილი სტატისტიკური მონაცემებიდან გამომდინარე კანონპროექტის გავლენა ბიუჯეტის ხარჯვით ნაწილზე განისაზღვრება შემდეგი ოდენობით:

1. ერთი პენსიონერი დღესარსებული მდგომარეობით იღებს 200 ლარიან პენსიას და 40 ლარიან დანამატს - სულ 240 ლარს, ხოლო კანონპროექტის ამოქმედების შემთხვევაში 200 ლარიან პენსიასთან ერთად მიიღებს 200 ლარიან დანამატს - სულ 400 ლარს. ე.ი. 160 ლარით მეტს.
პენსიონერები - $69803 * 160 = 11\,168\,480$ ლარი თვეში, წელიწადში 134 021 760 ლარი.
ცვლილებების მიხედვით ხარჯი იზრდება წელიწადში 134 021 760 ლარით.
2. ერთი ექიმი დღეს არსებული მდგომარეობით იღებს ხელფასზე დანამატს სახელმწიფო პენსიის ორმაგი ოდენობით ანუ თვეში 400 ლარის ოდენობით, ხოლო კანონპროექტის ამოქმედების შემთხვევაში დანამატის სახით მიიღებენ სახელმწიფო პენსიის სამაგ ოდენობას ანუ თვეში 600 ლარიან დანამატს. ანუ 200 ლარით მეტს თვეში
ექიმები - $574 * \text{პენსიის ოდენობა } 200 \text{ ლარი} = 114800$ ლარი თვეში, წელიწადში 1 377 600 ლარი.
ცვლილებების მიხედვით ხარჯი იზრდება წელიწადში 1 377 600 ლარით.
3. ერთი ექთანი დღეს არსებული მდგომარეობით იღებს თვეში სახელმწიფო პენსიის ოდენობის დანამატს ანუ 200 ლარს. კანონპროექტის ძალაში შესვლის შემთხვევაში დანამატის სახით მიიღებენ სახელმწიფო პენსიის ორმაგ ოდენობას ანუ თვეში 400 ლარიან დანამატს.

ექთნების - $989 * 200$ პენსიის ოდენობა თვეში = 197800, წელიწადში 2 373 600 ლარი.

ცვლილებების მიხედვით ხარჯი იზრდება წელიწადში 2 373 600 ლარით.

4. პედაგოგების საშუალო ხელფასი წარმოადგენს 550 ლარს, რომელზეც დღეის მდგომარეობით დანამატის სახით იღებენ 50 %. ანუ საშუალოდ 275 ლარიანი დანამატი. კანონპროექტის ძალაში საშუალოდ 550 ლარი საშუალოდ. შესვლის შემთხვევაში დანამატი განისაზღვრება ხელფასის 100 % ანუ თვეში საშუალოდ 550 ლარიანი დანამატი.

პედაგოგების საშუალო ხელფასი წარმოადგენს 550 ლარს, დანამატი იზდება 50%-ითარსებული 50 % შეადგენს შეადგენს $275 * 11395 = 3\ 133\ 625$ ლარსთვეში, წელიწადში 37 603 500 ლარი.

ცვლილებების მიხედვით ხარჯი იზრდება წელიწადში 37 603 500 ლარით.

5. პედაგოგების საშუალო ხელფასი წარმოადგენს 550 ლარს, რომელზეც დღეის მდგომარეობით დანამატის სახით იღებენ 50 %. ანუ საშუალოდ 275 ლარიანი დანამატი. კანონპროექტის ძალაში საშუალოდ 550 ლარი საშუალოდ. შესვლის შემთხვევაში დანამატი განისაზღვრება ხელფასის 100 % ანუ თვეში საშუალოდ 550 ლარიანი დანამატი. საქართველოს განათლების, მეცნიერების, კულტურისა და სპორტის სამინისტროს ან/და მის სისტემაში შემავალი ადმინისტრაციული ორგანოს მიერ განსაზღვრული შესაბამისი პროგრამის მონაწილე მასწავლებლებელი - 50 (დაუზუსტებელი მონაცემებით).

საშუალო ხელფასი წარმოადგენს 550 ლარს, დანამატი იზდება 50% რაც ჯამში შეადგენს $275 * 50 = 13\ 750$ ლარსთვეში, წელიწადში 165 000.

ცვლილებების მიხედვით ხარჯი იზრდება წელიწადში 165 000 ლარით.

6. სპორტის მასწავლებლებისთვის საშუალო ხელფასი წარმოადგენს 550 ლარს, რომელზეც დღეის მდგომარეობით დანამატის სახით იღებენ 50 %. ანუ საშუალოდ 275 ლარიანი დანამატი. კანონპროექტის ძალაში საშუალოდ 550 ლარი საშუალოდ. ცვლილების შემთხვევაში დანამატი განისაზღვრება ხელფასის 100 % ანუ თვეში საშუალოდ 550 ლარიანი დანამატი.

დანამატი $275 * 295 = 81125$ თვეში, წელიწადში 973500 ლარი.

ცვლილებების მიხედვით ხარჯი იზრდება წელიწადში 973500 ლარით.

7. შ.შ.მ პირების რაოდენობა დაუზუსტებელი ინფორმაციით მაღალმთიანი სტატუსის მქონე დასახლებებში შეადგენს 30 შესაბამისად ერთ-ერთ მშობელის ან მეურვის (მომვლელის) დახმარება - ყოველთვიურად განისაზღვრება 800 ლარის ოდენობით.

სულ თვეში 24 000 ლარი.წლის განმავლობაში ლარი.

ცვლილებების მიხედვით ხარჯი იზრდება წელიწადში 288 000 ლარით.

8. ერთი ან 2 შვილიანი ოჯახების დახმარების ოდენობა ცვლილებების მიხედვით განისაზღვრება 500 ლარით, ნაცვლად 100 ლარისა. დახმარება იზრდება თვეში 400 ლარის ოდენობით თვეში.

- 500 ოჯახი (დაუზუსტებელი მონაცემებით) X 400 ლარზე = 200 000 ლარი თვეში, წელიწადში 2 400 000 3 000 000 ლარი.

ცვლილებების მიხედვით ხარჯი იზრდება წელიწადში 2 400 000 ლარით

სამი ან მეტი შვილიანი ოჯახების დახმარების ოდენობა ოდენობა ცვლილებების მიხედვით განისაზღვრება 1000 ლარით, ნაცვლად 200 ლარისა. დახმარება იზრდება 800 ლარის ოდენობით თვეში.

- 200 ოჯახი (დაუზუსტებელი მონაცემებით) X 800 ლარზე = 160 000 ლარი თვეში, წელიწადში 1 920 000 ლარი.

ცვლილებების მიხედვით ხარჯი იზრდება წელიწადში 1 920 000 ლარით.

სულ ჯამში სახელმწიფო ბიუჯეტის ხარჯვითი ნაწილი ყოველწლიურად მომდევნო 3 წლის განმავლობაში გაიზრდება დაახლოებით 181.0 მლნ. ლარით.

ბ.დ) სახელმწიფოს სახალი ფინანსური ვალდებულებები:

კანონპროექტის მიღება არ წარმოშობს სახელმწიფოს ახალ ფინანსურ ვალდებულებებს.

ბ.ე) კანონპროექტის მოსალოდნელი ფინანსური შედეგები იმპირათივის, რომელთა მიმართაც ვრცელდება კანონპროექტის მოქმედება:

კანონპროექტი გავლენას მოახდენს იმ პირების ფინანსურ შედეგებზე, რომელთა მიმართაც ვრცელდება კანონპროექტის მოქმედება. კერძოდ:

1. პენსიონერები პენსიაზე დანამატის სახით მიიღებენ სახელმწიფო პენსიის ოდენობას 40 ლარის ნაცვლად 160 ლარით მეტს 200 ლარს;

2. ექიმების დანამატი გაიზრდება სახელმწიფო პენსიის ოდენობით 200 ლარით ;
3. ექთნების დანამატი გაიზრდება სახელმწიფო პენსიის ოდენობით 200 ლარით.
4. პედაგოგების და სპორტის მასწავლებლების დანამატი გაიზრდება ხელფასის 50% ოდენობით საშუალოდ თვეში 275 ლარით.
5. დახმარება მიეცემათ შშმ პირების მშობლებს ან მეურვეს (მომვლელებს) 800 ლარის ოდენობით.
6. გამარტივებული წესით მოხდება მაღალმთიან რეგიონში მცხოვრები პირის სტატუსის მინიჭება და სახელმწიფოს მიერ დაწესებული შესაბამისი შეღავათებით სარგებლობის შესაძლებლობა.
7. მაღალმთიან რეგიონში მცხოვრების სტატუსის მქონე პირი უმაღლესი განათლების მიღების სურვილის შემთხვევაში არ დაკარგავს მინიჭებულ სტატუსს და ისარგებლებს ყველა იმ შეღავათით რაც დაწესებულია მაღალმთიან რეგიონში მცხოვრები პირისთვის.
8. გაიზრდება დახმარება იმ ოჯახებისათვის, რომელთაც ჰყავთ მცირეწლოვანი შვილები ერი ან ორსულიანი ოჯახებისთვის 100 ლარის ნაცვლად 500 ლარი. სამი და მეტ ბავშვზე 200 ლარის ნაცვლად 1000 ლარით.
9. გაიზრდება საქართველოს განათლების, მეცნიერების, კულტურისა და სპორტის სამინისტროს ან/და მის სისტემაში შემავალი ადმინისტრაციული ორგანოს მიერ განსაზღვრული შესაბამისი პროგრამის მონაწილემასწავლებლებელის დანამატი - ხელფასის 50% ოდენობით საშუალოდ თვეში 275 ლარით.

ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი):

კანონპროექტით არ დგინდება ახალი გადასახადი, მოსაკრებელი ან სხვა სახის გადასახდელი და არ იცვლება არსებული გადასახადები, მოსაკრებლები და სხვა სახის გადასახდელეები.

- გ) კანონპროექტის მიმართებასაერთაშორისო სამართლებრივ სტანდარტებთან:
- გ.ა) კანონპროექტის მიმართება ევროკავშირის სამართალთან:

კანონპროექტი არ ეწინააღმდეგება ევროკავშირის სამართალს.

გ.ბ)

კანონპროექტის მიმართებასაერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:

კანონპროექტი არ ეწინააღმდეგება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს.

გ.გ)

კანონპროექტის მიმართებას საქართველოს ორმხრივ დამრავალმხრივ ხელშეკრულებებთან და შეთანხმებებთან, აგრეთვე, ისეთი ხელშეკრულების/შეთანხმების არსებობის შემთხვევაში, რომელსაც უკავშირდება კანონპროექტის მომზადება, – მისი შესაბამისი მუხლიან/დანაწილი:

კანონპროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებსა და შეთანხმებებს. კანონპროექტის მომზადება არ უკავშირდება საერთაშორისო ხელშეკრულებას ან შეთანხმებას.

გ.დ) არსებობის შემთხვევაში, ევროკავშირის ის სამართლებრივი აქტი, რომელთან დაახლოების ვალდებულება ცვამომდინარეობს „ერთი მხრივ, საქართველოსა და, მეორე მხრივ, ევროკავშირსა და ევროპის ატომური ენერჯის გაერთიანებას დამატურ ევროსახელმწიფოებს შორის ასოცირების შესახებ შეთანხმებიდან“ ან ევროკავშირთან დადებულ ის საქართველოს სხვა ორმხრივი დამრავალმხრივი ხელშეკრულებებიდან:

კანონპროექტი არ გამომდინარეობს ევროკავშირის ასეთი სამართლებრივი აქტიდან.

დ) კანონპროექტის მომზადების პროცესში მიღებული კონსულტაციები:

დ.ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტი, სამუშაო გუფი, რომელმაც მონაწილეობა მიიღო კანონპროექტის შემუშავებაში, ასეთი არსებობის შემთხვევაში:

ასეთი ორგანიზაცია, დაწესებულება და ექსპერტი არ არსებობს.

დ.ბ) კანონპროექტის შემუშავებაში მონაწილე ორგანიზაციის/ დაწესებულების, სამუშაო გუფის, ექსპერტის შეფასება კანონპროექტის მიმართ, ასეთი არსებობის შემთხვევაში:

ასეთი შეფასება არ არსებობს.

დ.გ)

სხვა ქვეყნების გამოცდილება კანონპროექტის მსგავსი კანონების იმპლემენტაციის სფეროში, იმ გამოცდილების მიმოხილვა, რომელიც მაგალითად იქნა გამოყენებული კანონპროექტის მომზადებისას, ასეთი მიმოხილვის მომზადების შემთხვევაში:

კანონპროექტს არ უდევს საფუძვლად მისი მსგავსი კანონების სხვა ქვეყნების მიერ იმპლემენტაციის გამოცდილება. კანონპროექტის მომზადებისას არ იქნა მაგალითად გამოყენებული აღნიშნული გამოცდილება.

ე) კანონპროექტის ავტორი:

ემზარ კვიციანი

ვ) კანონპროექტის ინიციატორი:

ემზარ კვიციანი